

四庫全書

子部

# 欽定四庫全書

子部

普濟方卷二百五十五

詳校官太醫院院使臣張學基

編修臣倉聖脉覆勘

總校官中書臣朱鈴

校對官中書臣范來宗

謄錄監生臣左熙世

欽定四庫全書

普濟方卷二百五十五 明 周王朱橚 撰

雜治門

卒死

附論

夫卒死者由三虛而遇賊風也所謂三虛者謂乘年之衰一也逢月之空二也失時之和三也人有三虛而為賊風所傷使陰氣偏竭於內陽氣阻隔於外二氣壅閉故暴絕如死也內經云出入廢則神機化滅升降息則

氣立孤危蓋謂是也若臟腑氣未竭者良久乃蘇然亦有狹鬼神之氣而卒者皆有鬼邪退乃活也凡中惡及卒忤卒然氣絕其後得蘇若有其邪氣不盡者即停滯心腹令人腹痛或身體沉重不能飲食而成宿疾而變成疰也甲乙經云得三虛者乘年之衰逢月之空失時之和因為賊風所傷也得三實者逢月之滿得時之和值有年之盛遇賊風邪氣不能傷也

方

五神返魂丹

出聖惠方

治卒死但有微氣心上稍暖者

朱砂兩半牛黃兩半安息香兩半砒霜兩半大蜘蛛五枚重午者採

袋內盛通風勿死

右先研四味方入蜘蛛又研勻令用不蛀皂莢三寸去黑皮以水三合按汁便入粟米飯煮令水盡和丸如梧桐子大如中惡卒死及急風者但有微氣以新汲水研下一丸如昏迷加一丸立活無疾常服一丸至老無病

治男子婦人小兒忽然行坐地死去

右用銅鑼金鼓衆人亂叫不以時自張口眼以熱湯水灌之即認得人咲也必安

南嶽紫虛魏元君起死廻生散

出聖惠方

凡卒死者皆因一

時閉氣不通原非病久命絕不救則枉死當以此藥治之

右用半夏一味無製度為細末以竹筒蘆筒鷺翎管向吹入兩鼻死半日心頭尚溫不過三四次或噴嚏或吐痰涎但元氣一通即回生矣百發百中真仙家

方也所謂卒死者中風死痰厥死氣死產死打死溺  
水死自縊死中暑死諸癇死咽喉死乳驚死心暴痛  
死小腸氣死魘死腳氣死跌死驚嚇死墻壓死鬼魅  
迷死絞腸沙死凍死針灸死受杖死失血死椒閉死  
酒醉死頭暈死烟搶淘井死諸毒虫傷悶亂死凡人  
居家或出路須以此藥隨身骨骭者亦可以吹之刺  
噴嚏而出兼治六畜雖非人亦物命也一方云昔時  
有人忽遇一異人遍身雪白自云吾即救人之藥凡

遇人非命已死無氣吾能生之吾即半夏也可用吾  
身為末以竹筒吹之入鼻中良久即甦後用果驗

治卒死無脉無化形候陰陽俱竭故也

出金匱方

右以牽牛臨鼻上二百息牛舐必差牛不肯舐着以  
鹽汁塗面上牛即肯舐

又方

出金匱方

治卒死及四肢不收失便者

右用牛馬屎絞取汁飲之無新者水和乾者亦得按  
肘後方云乾者以水溺解之此扁鵲法一方用馬屎



屎一升水三斗煮取二斗洗足又取牛洞稀糞和一升溫酒灌口中炙心下一寸臍上三寸臍下四寸各一百壯差

又方

出聖惠方

扁鵲云治忤有救卒符並服鹽湯法恐非當

世所能故不載而此病在人所謂卒死與中惡鬼擊相類為治參取而用之已死者可治

右用搗菖蒲生根絞汁灌之立差一方為末吹入鼻中又末內舌下尸厥之病雖死脉猶動聽耳中如有

微語聲股間暖是也

治卒死壯熱者

出聖惠方

右用礬石半斤水一斗半煮礬石消以浸脚及踝即

蘇

救卒死或先病或常居寢奄忽而絕皆是中惡

出聖惠方

右割一雄鷄冠取血塗其口乾後復塗并以此灰營

死人一周一方塗喉中又吹喉中亦可塗其面吹鼻

孔中妙

治卒死而目閉者及救死或先病或常居寢卧奄忽而絕皆是中惡

右騎一牛臨其面搥薤汁灌耳中又末皂莢吹入鼻中妙一方韭汁灌鼻中

南嶽夫人方

出聖惠方

治卒死

右用搥女青屑一錢安喉中以水或酒下立活亦可用醋下

葱刺耳方

出聖惠方

右以葱管刺耳中鼻中血出者勿怪無血則難療有血者是活候也其欲蘇時當捧兩手莫放之須臾則死人自當舉手撈人言痛乃止男刺左鼻孔女刺右鼻孔令入七寸餘此方大良立效亦療自縊死療卒死而有脉形候陰氣先盡陽氣後竭故也

右用嚼薤哺灌之

追魂湯

出三方

治卒厥暴死及主客忤鬼擊飛尸奄忽氣

絕不覺口噤

麻黃

去節  
三兩

杏仁

去皮尖二  
百五十個

甘草

炙一兩

右為剉散每服四錢水一盞半煎七分去滓灌之通治諸感忤或口噤不開去齒下湯湯入口活不下分病人髮左右捉搦肩引之藥下漸蘇令服盡取效千金方有桂心二兩金匱云寸脉沉大而滑沉則為實滑則為氣實相搏血氣入臟則死入胃則愈若卒厥唇口青身冷為入臟即死身和汗出則愈

治中熱死

出傳信  
適用方

右以水頭巾湯浸洗汁服

救卒死亦治中惡

出金匱方

右用鷄肝及血塗面上以灰圍四旁立起

治忤打死心猶暖宜用虬法

出聖惠方

右取葱白內於下部中及鼻中須臾即活

又方

出聖惠方

右截狔尾取血灌之并縛狔以枕之死人須臾活矣

又方

出聖惠方

右用小便灌其面數即能迴語此是扁鵲法

治烟薰迷悶欲死者

右以蘿蔔汁灌立活乾則水搗亦可

又方

出千金方

右以炙熨斗兩脇下解急方云又治尸厥

治疫死者

出本草

右用反魂香燒之死者聞香再活○按漢書武帝時西域國進反魂香云聚屈洞中上有反魂樹採其根

置於釜中以水煮候成汁方去滓重火煉之如漆候其凝則香成也

治忤死

出本草

右先以衣三重藉忤死人腹上乃取調器若瓦器盛以熱湯着衣上湯冷者去衣大冷者換湯即愈

治卒暴亡未移時者

出本草

右取臘月雄狐膽溫水微研灌入喉即活常須預備此救人移時即無及矣



起卒死救生丹

華佗中藏經方

大黃

半兩濕紙煨

膩粉

兩半朱砂一分

雄黃

一分

巴豆

七個去皮去油

右用鯢魚膽汁圓鷄頭大用童子小便下一丸擗開口灌之內大蔥尾一寸許入鼻中如人行五七里當吐涎即活

治腫死者

用蠱實根一握水絞取汁稍嚥之口噤灌之

蠱實即馬

蘭也

自縊附論

仲景云凡自縊死心下微溫者一日猶可活葛氏云心下倘微溫雖久猶可活二家所論必須有暖氣陰陽未盡根本尚存則可以救苟非此雖死未良久必不活也大抵自縊以升降出入之氣暴絕不通若解其繩有法者固有復生之理解失其理體雖尚溫不能無害所謂救經引其足也仲景葛氏各有辨證并解繩法詳審之凡自縊若覺纔死徐徐捧下其陰陽經絡雖暴壅閉

而臟腑真氣尚或未盡所以救猶可療若見其垂掛忽遽截斷其繩則不可救此言氣已壅閉繩忽暴斷其氣雖通而奔迸氣不能還即不復得生又云自縊死旦至暮雖已冷必可活暮至旦則難療謂其晝則陽盛其氣易通也夜則陰盛其氣難通也又云夏則夜短又熱則易活又云氣雖已斷而心微溫一日已上猶可治也蓋夏時夜短於晝又熱猶應可療心下微溫者一日以上猶可活然皆徐徐抱解不得絕截繩上下安被卧之一

人以脚踏其兩肩手稍挽其髮常弦弦勿縱之一人以  
手投據背上微重之一人摩搏臂脛屈伸之居若僵但  
漸漸強屈之并按其腹如此一炊頃氣從口出呼吸眼  
開而猶引按莫置亦勿苦勞之須以少桂心湯及粥清  
含與之纔令濡喉漸漸能嚥乃稍止耳兼令兩人各以  
管吹其兩耳彌好此最善無不活者○自縊死心下尚  
溫雖久猶可活法徐徐抱解其繩不得斷之懸其髮令  
足去地五寸許塞兩鼻孔以蘆管納其口中至咽令人

噓之有頃其腹中礮轉者是氣通也其舉手撈人當益  
堅捉持更遞噓之若活了能語乃可置耳若不得掛髮  
可中分髮速兩手撻弦耳○凡自縊死從早至夜雖已  
冷必可活從夜至早稍難若心下溫一日已上猶可救  
欸抱其身緩緩解繩切不得截斷繩放卧令人踏其肩  
以手拔其髮常令一人緊以手擦胷脇散動一人摩搦  
臂足屈伸之若已僵但漸漸強屈之及按其腹如此一  
飯久即氣口中出得呼吸眼開勿苦勞動可用少官桂

湯及粥清與之令潤喉更以兩人以筆管吹其耳中尤好若依此救無不效者又方緊用手罨其口勿令透氣兩時許氣急即活

治自縊死

出千金方

右凡救自縊者極須按定其心勿絕繩手抱之徐徐而解之心下尚溫者以氈覆口鼻兩人吹其兩耳又一方以衣物塞兩耳將竹筒口中重吹氣入仍塞其口邊莫令氣出可活

又方

出千金方

治自縊死及中惡氣欲絕者

右用皂莢細辛搗屑如胡豆大吹兩鼻中又有皂莢為末以葱葉吹鼻中

又方

出十便良方

右刺鷄冠血出滴着口中即活男雌女雄塗喉亦可

又一方男雄女雌

又方

出肘後方

右用鷄屎白如棗大酒半盞和灌口及鼻中佳

又方

出千金方

右用樛上塵如大豆許各納一小竹筒中四人各自捉一筒時吹兩耳兩鼻即活

又方

出千金方

右用尿鼻口眼耳中并捉頭髮一撮如筆管大製之可立活

治自縊急救之方

出肘後方

右急手掩其口鼻勿令內氣稍出二時許氣至即活



治自縊急救方

出十便良方

右牽起其頭髮以物塞兩耳仍以葱葉刺鼻中兩人則極力痛吹之齒其兩脚跟即活亦可塞鼻而吹入其口亦活也一方捉其頭髮令其足纔至地一時即能活

治自縊死

出千金方

右以藍青汁灌之

治自縊死

出聖濟總錄

右以松子油納口中令得入咽中便活又治溺死

治自縊死救之未活以車載之法

出聖濟總錄

右以絹纏身體令堅以車牛載行三十里許使人即於車上行踏肩引髮如前

治邪厲縊溺魔死中暑凍死諸卒死凡卒死或先疾病

及寢卧忽然而絕皆是中惡

出經驗良方

右用葱黃心或韭黃於男左女右鼻中刺入深四五

寸許令同目中出血即活

又方

出聖惠方

右用綿浸好酒半盞用手按在患人手足勿令驚滴此酒入鼻中

又方

出聖惠方

右視其上唇裏弦有青息肉如黍米大以鍼決去之立差

又方

出經驗良方

右用羊屎燒煙薰鼻中

又方

出肘後方

治心下尚微溫久猶可活

右徐徐抱解繩懸髮令人去地五寸許塞兩鼻孔以小蘆筒吹內其口中至咽令人噓噓有頃其腹中遂磬磬轉是氣通也仍噓若活了可置耳若不懸可分開中髮繞三指撮兩手牽使髮懸

又方

治自縊死

右用繩燒三指撮服之

治五絕

右一曰自縊二曰墻壁壓三曰溺水四曰魘魅五  
曰產乳凡五絕皆以半夏一兩搗篩為末丸如大豆  
樣內鼻中愈心溫者一日可治

溺水 附論

凡人沉溺水中水入腹則冷氣閉暴絕而死救活之法  
宜泄其水使氣得通則可復活若救之後時水不得出  
心下不溫者難古法或經半日及一日猶有可療者謂  
其氣雖絕心下猶溫則亦可療也

又方

治溺水死已經半日

右取一大甕覆地以溺死人腹伏甕上以微火於甕  
底下燃之正對死人心下甕暖口中水出盡則蘇但  
勿令過熱

治溺水葱汁導水

右取不蛀皂莢為細末以葱白汁或棗瓤和丸如東  
子核大內下部中導其水自出

治溺死酒灌活

右倒垂死人以好酒灌鼻中又灌下部或醋灌鼻中亦得

治忽溺水死者

右宜卧倒瀝却水便於肚上多着灰掩之仍以皂莢細末吹鼻中即活

治溺死石灰壅之得活

右即取石灰壅之候下部中水出盡即活一方綿裹

碎石灰內下部中

治溺水死導水

右取皂莢為末綿裹於下部伏面向下須臾水從口  
內鼻中出仍多取灰覆籍水盡即活

治落水死

右以灶中灰布地令厚五寸以甌側着灰之上令初  
死者伏於甌上使頭小垂下炒鹽二方寸匙內竹管  
之中吹下孔中即當吐水水下因去甌下死者着在



灰中壅身使出鼻口即活

又方

右掘地作坑熬數斛灰內坑中下死人覆灰濕徹即更易勿令太熱糟人灰冷更易半日便活

又方

右取大甑傾之死人伏其上令死人口臨甑口然乾葦火二七把燒甑中當死人心下令煙出少入死人口鼻中水出盡則活火盡後益之常以手候死人身

旁及甌勿令甚熱當令火氣能使死人心下足得暖  
或卒無甌者於岸側削地如甌空心下如蛭燒令暖  
熱以死人著上亦可用車轂為之勿令引其腹令初  
死人低頭水得出并炒灰數斛令暖以數粉身濕則  
更易溫者外臺秘要甌作甕

又方

右但埋死人煖灰中頭足俱溫惟開七孔水出即活

又方

右便脫取煖釜覆之取溺人伏上腹中出水便活又  
一方作暖衣覆之

### 救溺水法

右凡人溺水者救上岸即令溺水之人將肚橫覆在  
在牛肩上兩邊用人扶策徐徐牽牛而行以出腹內  
之水沫如醒即以蘇合香丸之類或老薑擦牙若或  
無牛以活人於長板凳上仰卧即令溺水人如前法  
再將肚抵活人身上水出則活又灸臍中百壯

治溺水心頭尚溫

右用人抱定令頭微仰令口於鼻中吸出黃水却先  
取用綿絮燭其下體及陰囊處即活如無綿絮可用  
細灰數十羅通體埋蓋只留面在外令頭仰亦可使  
活其本髮於紡車上却轉之則其人迷亂而不能自  
去

凡溺死一宿尚可救

右屈死人兩脚着生人肩上以死人背貼生人背擔

之走吐出水即活亦療凍死

又方

右倒懸解去衣去臍中垢令兩人以筆管吹其耳中

又方

右熬熱沙覆死人面上下着沙只留出口鼻耳沙濕即令換之

又方

右或熱沙或炒熱灰將溺者埋於其中從頭至足水

一出七孔即活

竈灰  
二石

又方

出聖  
惠方

右解死人衣灸臍中即活數方皆效多以為氣絕而卒不可傷數方從便而用之

又方

出危  
氏方

右以酒壘一箇以紙錢一把燒放壘中急以壘口覆在溺水人面上或臍上冷則再燒錢紙於壘內覆在面上去水即活

凍死附論

夫人有在途路逢風寒苦雨繁霜大雪衣服霑濡冷氣入臟致令陽氣絕於外榮衛結澁不復流通故噤絕而死若早救療血溫氣通則生又云凍死一日猶可治過此則不可療也

又方

治凍死

出聖惠方於冬月落水凍四肢直口噤尚有微氣者

或因風雨霜雪冷氣入臟陽氣暴絕致噤絕凍死者

右以一大器中多熬灰使暖囊盛以搏其心冷即便更易心暖氣通目則得轉口亦及開可與溫酒服用粥清稍稍嚥之即活若不先溫其心將火灸其身冷則氣與火相搏急即不活也

治凍死人救活宜與此藥一兩服

出傳信適用方

水薑

一兩和皮剉碎

陳皮

不去白一兩剉碎

右共用水三盞煎至一盞半放溫與服不可冷不可熱



又方

出經驗良方

右用氈或藁薦裹之以索繫定放在平穩處令兩人相對面輕輕衮轉往來如捍氈法四肢溫和即活仍須灸臍中三五壯冬月凍倒人急與冷水一兩口扶之在暖溫處不得與熱湯及向火必死雪泥中行便令近火即脚指隨落

入井塚悶

附論

夫肘後云此事他方少有其說且人寡為之不俟別滌

今於水東之後尋此是地氣鼓蒸蓋亦障霧之例服諸  
解毒犀角雄黃麝香之屬豉豆竹瀝升麻諸湯應為佳  
又方

療入井塚悶胃

出十便  
良方

凡遇五月六月井中及深塚中皆有伏氣令中鬱悶  
易殺人如其必須入中者先以鷄鴨雜毛投之直下  
至其底則無伏氣毛若徘徊不下則有毒氣也亦可  
先内生六畜等置中若有毒其物即死不必入若無

有六畜當先以酒數升滴灑井塚中四邊畔停少時  
頃然後可入若覺中有此氣鬱悶奄奄欲死者還急  
取其中水灑人面令飲之又以灌其頭及身體即能  
活若無水取他水用可也

夏月不可淘井多致殺人

出傳信  
適用方

右宜先以鷄毛放井中試之如搖動不肯便下是即  
有毒氣不可入古塚亦然五月七月尤甚如已中毒  
取水以溼其面并含水調雄黃末二錢轉筋入腹痛

或甚者使四人捉手足灸臍右邊二寸十四壯又取生薑一兩擘破酒五盞煮濃頃服又醋煮衣絮令微乘溫褰轉筋處又濃煮鹽湯通手足洗胃脇間

療入井塚毒氣

右取他井中水灑身上至三食頃便活東井取西井南井取北井水用之

又方

出肘後方

治五月七月深井塚有毒氣殺人入遇毒者

則以水噉其面并含水以雄黃犀角麝香調服

怪疾

一方

治遍身忽皮底混混如波浪聲痒不可忍抓之血出亦

不得解謂之氣奔

出經驗良方

人參 苦杖 青鹽 白朮

細辛

各一兩

右為末作一服水二碗煎十數沸去滓飲盡便愈

治十指斷節壞唯有筋連無節肉垂出如燈心長數

尺餘遍身綠毛卷名曰血餘

出經驗良方

右以茯苓胡黃連煎湯飲之即愈

治因着艾灸訖火痴便退落瘡內鮮肉片子飛如蝶形

狀騰空去了痛不可忍是血肉俱熱

出經驗良方

右用大黃樸硝各半兩為細末水調下微知利即愈

治眼赤鼻張大喘渾身出斑毛髮起如銅鉄乃目中熱

毒氣結於下焦

出經驗良方

右用白礬滑石各一兩為末都作一服水三碗煎至一半令不住飲候盡乃安

治手甲忽然長倒生肉刺如錐痛不可忍

出危氏方

右速喫葵菜自愈

治眼睛垂至鼻如黑角色痛不可忍或時時大便血出

其名曰肝脹

出經驗良方

右用羌活煎汁服數盞自愈

治腹中有物作聲隨人語言

右用板藍汁一盞分五服服之又名應聲虫當服雷

丸自愈

治人自覺自形作兩人並卧不別真假不語問亦無對

乃是神離

出經驗良方

右用辰砂人參茯苓濃煎湯服之真者氣爽假者化矣

治頭面發熱有光色他人手近之如火燒人

出經驗良方

右用蒜汁半兩調酒下吐出蛇狀遂安

治鼻中毛出晝夜可長一二尺漸漸麤圓如繩痛不可

忍雖摘去一莖即復更生此由食猪羊血過多遂生



出經驗  
良方

右用乳石礪砂各一兩為末以飯丸如梧桐子樣大  
空心臨卧各一服水下十粒自然退落一方用乳香  
者不用乳石

治脇破腸出臭穢

出經驗  
良方

右急以油摸腸用手送入煎人參枸杞淋之皮自合  
好矣喫羊腎粥一十日即愈

治忽然氣上喘不能語言口中汁流吐逆齒皆搖動氣

出轉大則悶絕蘇復如是名曰傷寒併熱霍亂

出經  
驗良

方

右用大黃人參末各半兩水三盞煎至一盞去滓熱

極服可安

治渾身生燎泡如甘棠梨每箇破出水內有石一片如

指甲大泡復生抽盡膚肉則不可活

出經  
驗良方

右急用荆三稜蓬莪朮各五兩分三服酒調下連服

立愈

治項上生瘡如櫻桃大有五色瘡破即項皮斷上連髮

卷去下去足脫之乃為肉人疾初見此瘡

出危氏方

右但宜逐日用牛乳自消

治大腸頭出寸餘痛苦直候乾自退落又出名為截腸

病若腸盡乃不活矣但初覺截餘寸治之

出經驗良方

右取芝麻清油器盛之以臀坐之飲大麻子汁數升

立愈

治口鼻中腥臭水流以碗盛之有鐵色鰕魚如粳米大

走躍不住以手捉之即化為水此肉壞矣

出經驗良方

右用任意饌食鷄月餘愈

治脚心凸如腫上面生黑色豆瘡硬似釘子釘了履地  
不得脛骨生碎眼髓流出身發寒顫唯思飲酒此是  
肝腎氣冷熱相吞

右用炮川烏頭末傅之煎韭子湯服可愈

治四肢節脫但有皮連不能舉動名曰筋解

出經驗良方

右以酒浸黃蘆二兩經一宿取出焙乾為末每服止

二錢酒調下服盡安

治腹脹如鐵石臍中水出旋變則虫行之狀繞身匝啄

痒痛難忍撥掃不能盡

出經驗良方

右用濃煎蒼朮湯浴之及用蒼朮末入麝香少許以清水調服痊

治有飲油五升以來方始快意長得喫則安不爾則病

此是髮入胃被氣血裹了化為虫也

出經驗良方

右用雄黃半兩為末水調服虫自出如虫者活置之

於油中逡巡間連油潑之長江

治卧於床四肢不能動只進得食好大言說喫勿謂之

失說此名物望病

出經驗良方

右其治如說食猪肉時便云你喫猪肉一頓病者忽聞之即喜遂置肉令病人見臨要不與喫此乃失却他物望也當自睡口中涎出便愈

治眼白人渾黑見物依舊毛髮直如鐵條雖能飲食不

語如醉名曰血潰

出經驗良方

用五靈脂二錢為末酒調下

治渾身臨卧時風出約至五升隨後血肉俱壞每宿漸多痒痛不可名狀唯喫水卧床上晝夜號哭舌尖出血不止齒俱黑唇動鼻開

右但飲鹽醋湯十数次即愈

治口鼻中氣出盤旋不散凝如黑蓋色過十日漸漸至肩胛與肉相連堅勝金石鐵無由飲食此多因瘡後

得之

出經驗良方

右煎澤瀉湯日飲三盞連服五日愈

治遍身忽然肉出如錐即痒且痛不能飲食此名血住

若不速治之潰而膿出

出經驗良方

右以赤皮葱燒灰淋洗喫豉湯三盞自安矣

治眉毛搖動目不能視交睫喚之不應但能飲食有經

日而不安者

出經驗良方

右用蒜二兩取汁酒調下即愈

治毛竅節次血出者若血不出皮脹膨如鼓須臾眼鼻



口被氣脹合也此名脉溢夏子益治奇疾方三十八  
道唐與義刊印於上饒其間一二證昔嘗見有病之  
者皆莫知所以治療之法得子益之方取以附此書  
之末其廣用傳出危氏方

飲生薑水汁各半盞安

治血自皮膚濺

右以煮酒瓶上紙碎撚如楊花用手捏在出血處立  
止

昔廬陵明田李教諭梅心傳治怪疾奇方

出經驗良方

袁州分宜縣有一男子自十歲喜飲酒至十九歲  
日間飲一二斗不醉無酒呌吸呼不絕全不進食  
日就羸斃其父驚惶叩神或遇一道人令其父用  
手中縛住手足不令搖動但扶坐少立却取生辣  
酒一壘就於其子口邊打開其酒氣衝入口中病  
者必飲取飲而道人堅不肯與之須臾口中吐出  
物一塊直下壘中道人即用紙封塞壘口用猛火

燒滾約酒乾一半却開視之其一塊如猪肝樣約三兩重周迴有小孔如針眼不可數計棄之江中自從此子飲食復舊雖滴酒不能飲矣

治居民逃避石窟中賊以火煙薰之

出經驗良方

昔學師者被煙薰欲死迷悶中摸索得一束蘆葍俗名蘿蔔嚼汁下咽而甦蘆葍細物活人之功如此又炭煙薰人徃徃致死臨卧含蘿葍一片着口中煙氣不能毒人或預曝乾為末脩急用亦可或

新水搗爛乾蘿蔔飲之亦可

昔曾有一人自行因顛穿斷舌下血出不止諸藥不能

救

出危氏方

右以米醋用鷄翎掃所斷舌處其血即止仍用真大蒲黃杏仁湯泡去皮尖鵬砂少許研為細末用煉熟好蜜調藥稀調含化而安

治人身上及頭面肉上浮腫如蛇狀者

出經驗良方

右以雨滴磚堦上苔痕一錢水化開塗蛇頭立消

救急瘦疾

右以甘草三兩炙每旦以小便煮三四沸頓服之

昔有人卧忽不寤若火煦之則殺人但痛嚙其踵及足  
拇指甲際而多唾其面即活犀角枕佳或以清水木  
香納枕中并帶

昔江右嘗有商人左膊上有瘡如人面亦無他苦商人  
戲滴酒口中其面亦赤色以物食之亦能食食多則  
覺膊內肉脹起或不食則一臂痺有善醫者教其歷

試諸藥以草木之類悉試之無苦至貝母其瘡乃聚  
眉閉口商人喜曰此藥可治也因以小葦筒毀其口  
灌之數日成痂遂愈然不知何疾也

昔華陀行道見車載一人病咽塞不下呻吟陀示店家  
以蒜齏大酢三升飲之當痊果吐大蛇一枚而愈

出本

草

昔南齊褚澄為吳郡守李道愈到郡澄見謂曰汝有重  
病答曰舊有冷病至今五年衆醫不瘥澄為診曰汝

病非冷非熱當是食白淪鷄子過多所致令取蘓一升煮服乃吐一物如升涎裹之能動開者是鷄雛羽翅爪距具足能行走澄曰此未盡更服所餘藥又吐得如何者鷄十三頭而病瘥當時稱妙一說乃是蒜煮服之

治澡浴後忽天柱骨倒

王荊公得  
噤口秘方

右用多年五苓散一年者亦可用每服三錢重燈心加七莖竹葉三莖烏梅三箇同煎湯調下

治有虫如蟹走於皮下作聲如小兒啼為筋肉之化經出

驗良方

右用雷丸雄黃各一兩搗羅為末摻在猪肉一斤上面炙熟喫盡安

治血澱

右用槐花半升炒為細末傅之

治腹上麻痺不仁

出危氏方

右但多煮葱白喫之自愈



凡腹脹經久忽瀉數升晝夜不止服藥不驗乃為鬼脫

出危  
氏方

右用益智子煎濃湯服立愈

治玉莖硬不痿精流無歇時時如針狀捏之則脆乃為  
腎蒲漏疾

韭子 破故紙 各一  
兩

右為末每服二錢水一盞煎至六分每日三次飲之  
愈則住服

治眼前常見諸般禽虫飛走以手捉之則無乃肝膽經  
為疾

酸棗仁

羌活

玄明粉

青箱子花

各一兩

右為末每服二錢水一大盞煎至七分和滓飲一日  
三服

治面上及過身生瘡似猫兒眼有光彩無膿血但痛痒  
不常飲食減少久則透脛名曰寒瘡

出危氏方

右但多喫魚鰯韭蔥自愈

治口内生肉毬臭惡自己惡見有根線長五寸餘似釵股吐毬出以飲食了却吞其線以手輕捏痛徹於心

困不可言

出危氏方

右用水調生麝香一錢服三日驗

治婦人產後兩乳伸長細小如腸垂下直過小肚痛不可忍危亡須臾名曰乳懸

出危氏方

右宜將川芎當歸各二斤半斤剉散於瓦石內用清水濃煎不拘時候多少溫服餘一斤半剉作大塊用

一香爐慢火逐旋燒煙安在病人面前車子下要令  
煙氣直上不絕令病人低頭伏棹子上將口鼻及病  
人乳常吸煙氣直候用此一料藥盡看病証如何或  
未即痊安略縮減再用一料如前法煎服及燒香煙  
薰吸必安此二料用盡雖兩乳略縮上而不復舊再  
用水磨草麻子一粒於頭心上塗片時即洗去則能  
全安矣

治婦人臨產服催生藥驚太早未嘗離經而用力大過

以致育摸有傷產後水道中垂出肉線一條約三四尺牽引心腹痛不可忍以手微動之則痛苦欲絕出危

方氏

右宜先服失笑散數服仍用老薑三片洗淨不去皮遂於石針臼內研爛用油二斤拌勻入鍋內炒熟以此油乾焦為度先用熟絹一段五尺長摺作結方令一穩重婦人輕輕盛起肉線使之屈曲作一團納好在水道口却用絹袋兜裹油薑稍溫傳在肉線上薰

使覺薑漸冷又用熨斗火熨熱使之常有薑氣已過即除去又用新者如薰熨一日一夜其肉線已縮入大半再用前法越兩日其肉線盡服中其病全安却又再服失笑散芎歸湯補理切不可使肉線斷作為兩截則不可醫

雜病附論

千金論云聖人之道以慈濟物博求衆藥以戒不虞倉卒之際應手皆得故有萬病方焉凡以諸方散在郡典

乃令學者難用討尋遂鳩撮要妙以為斯品庶使造次  
可得好事君子安不忘危無事之暇可預和合以備可  
療也

方

耆婆萬病丸

出千金方

治七種辟塊五種癩病十種疰忤七

種飛尸十二種蠱毒五種黃病十二時瘡疾十種水

病八種大風十二種痺痺并風入頭眼暗膜及上氣

咳嗽喉中如水鷄聲不得眠卧飲食不作肌膚五臟

滯氣積聚消壅閉不通心腹脹滿及連胃背鼓氣堅結流入四肢或脹又心隔氣滿時定時發十年二十年不瘥五種下利疾赤白諸虫上下冷熱久積痰飲令人多睡消瘦無力陰入骨髓便成滯患身體氣腫飲食嘔逆脚腰酸疼四肢沉重行立不能久婦人因產冷入子臟臟中不淨或塞閉不通胞中瘀血冷滯出流不盡時時疼痛為患或因此斷產并小兒赤白下痢及胡臭耳聾鼻塞等病此藥萬病悉除故稱萬



病九以牛黃為主故一名牛黃丸以耆婆良醫故名  
耆婆丸

牛黃

麝香

犀角

各一分

茯苓

桑白皮

乾薑

桂心

當歸

芎藭

芍藥

甘遂

黃芩

蜀椒

細辛

桔梗

巴豆

前胡

紫苑

蒲

黃

葶歷

防風

各一分

蜈蚣

節三人

參

一寸

朱砂

分石

蜥蜴

一寸

雄黃

黃連

大戟

芫花

禹餘糧

芫青

已上各一分

右並令精細除牛黃麝香犀角硃砂雄黃禹餘糧巴豆別研餘者合搗重絹下篩以白蜜更搗三千杵蜜封下破除日旦空腹酒服三九如梧桐子大取微下三升惡水為良若卒暴病不拘平旦早晚皆可服但以吐利為度不得限以九數病強藥少即不吐利更非他故若其發遲以熱飲汁投之若吐利不止即以醋飯兩三口止之服後忌陳臭生冷酢滑飯食大蒜猪鷄魚狗馬牛驢肉白酒房事七日外始得一日服

二日補之得食新米韭骨汁作羹粥膳飲食三四頓  
大良亦不得全飽產婦忽服吐利以後常須閉口少  
與於風處溫床暖室將息若旅行卒暴無歇以小便  
送之為佳若一歲以下小兒有疾者令乳母服兩小  
豆亦以吐利為度近病及卒病皆用多積久疾病即  
少服常取微溏利為佳卒病無死服三九如小豆大  
即吐利即瘥諸有疾停飲者亦得卒中惡口噤服二  
九如小豆暖水一合灌口令下微利即瘥諸有疾飲

者服三九如小豆五疰鬼利客忤服二九如小豆不  
差後日更服三九男女邪客歌哭無時腹大如妊娠  
服如小豆日三夜一間食服之大痢服一九如小豆  
日三猫鬼病服三九如小豆未瘥更服蠱毒吐血腹  
痛如刺服二九如小豆不瘥更服瘡病未發前服一  
九如小豆不瘥後日更服冷癖服三九如小豆日三  
皆間食服之常令微溏利宿食不消服二九如小豆  
取利癥瘕積聚服二九如小豆日三皆間食服之以

利瘥止拘急心腹脹滿心痛服三九如小豆不瘥更服上氣喘逆胸滿不得卧服二九如小豆不瘥更服瘕濕以一丸如杏仁大和酢二合灌下部亦服二九如小豆鼻衄服二九如小豆即瘥水病服三九如小豆日二皆間食服之瘥止人弱隔日服之頭痛惡寒服二九如小豆覆取汗傷寒時行服二九如小豆日三間食服之小便不通服二九如小豆不瘥明日更服大便不通服二九如小豆又內一丸下部中一丸

即通耳聾聾耳以線裹一丸如小棗核大塞瘰腫丁  
腫破內一丸如麻子大日一傳其根自出瘰犯丁腫  
血出以豬脂和傅有孔內孔中瘰止胸背腰脇腫以  
酢和傅腫上日一易又服二丸如小豆癰瘡先以酢  
泔水洗後取藥和豬脂傅之癰瘡有孔以一丸如小  
豆內孔中兼和豬脂傅之痔瘡取藥塗線筋上內孔  
中日別易瘰止癰瘰以酢和傅上瘰惡刺以一丸內  
瘡孔中即瘰諸冷瘡積年不瘰者以酢和塗瘡上作

餅子貼之瘡癰瘡先以布揩令汁出後取和傅上日  
一易立瘥蝎螫以少許傅螫處蜂螫以少許傅螫處  
蝮蛇螫取少許內螫處若毒入腹心悶欲絕者服三  
丸如小豆大婦人諸疾胞衣不下服二丸如小豆取  
吐利即出小兒客忤服二丸如米粒和乳汁傅乳頭  
令啣之小兒驚癇服二丸如米粒塗乳頭令啣之隨  
兒大小量飲小兒乳不消心腹脹滿服二丸如米粒  
塗乳頭令啣之不瘥便服一方無黃芩桑白皮桔梗

防風

大理氣丸

出千金方

治萬病

牛膝 甘草 人參 茯苓 遠志 恒山 苦

參 丹參 沙參 龍膽 龍骨 牡蒙 半夏

杏仁 紫苑 芍藥 天雄 附子 葛根

橘皮 巴豆 狼牙各二兩 大黃 牡礪 白朮各三

兩生薑末五兩 白薇六分 元參七分 藿蘆大者一枚

右先搗篩二十七味令熟次搗巴豆杏仁如膏和使



相得如蜜後更搗五千餘杵丸如梧桐子大空腹酒服七九日三疝瘕結五十日服永瘥當用理氣大覺有效

神枕法

出御藥方

昔太山下有老翁者失其名字漢武東巡

見老翁鋤於道背有白光高數尺帝怪而問之有道術否翁對曰臣昔年八十五時衰老睡死頭白齒落有道士者教臣服棗飲水絕谷并作神枕法中有三十二物中二十四物蓋以當二十四氣其八毒蓋以

應八風臣行轉少黑髮更生墮齒復出日行三百里  
臣今年一百八十矣不能棄世入山顧戀子孫復還  
食穀又已二十餘年猶得神枕之力往不復老武帝  
視老翁顏狀當如五十許人驗問其隣人皆云信然  
帝乃從受其方作枕而不能隨其絕谷飲水也方用  
五月五日七月七日取山林柏為枕長一尺二寸高  
四寸空中容穀一斗二升以栢心赤者為蓋厚二分  
蓋致之令密又當使可開閉也又鑽蓋上為二行行

四十九孔凡一百二十孔令含粟米并其用藥

芎藭 當歸 白芷 辛夷 杜衡 白朮 藁

本 木蘭 蜀椒 桂心 乾薑 防風 人參

桔梗 白薇 荆實 從蓉 飛廉 栢實

薏以仁 疑花 白衡 秦椒 檉無已上二十  
四味以應

善者二十四氣  
後八味應八風烏頭 附子 藜蘆 皂莢 芥

草 礬石 半夏 細辛

右各一兩皆㕮咀以毒藥上安之滿枕百日面有光

澤一年體中所疾及有風疾一一皆愈善而身盡香  
四年白髮變黑齒落重生耳目聰明神方秘效不傳  
非其人也藁本是芎藭母也武帝以問東方朔答云  
昔女廉以此方傳玉青玉以傳廣成子廣成子傳黃  
帝近者谷城道士淳于公枕耳百餘歲而頭髮不白  
夫病之來皆從陽脉起今枕藥枕風邪不得侵矣又  
雖布囊衣枕猶當復圍囊重包之須欲卧枕時乃脫  
去之耳詔賜老翁匹帛老翁不受曰臣之於君猶子

於父也子之道以上之於父義不受賞又臣非賣道者以陛下好善故進此耳帝止而更賜諸藥

吹鼻一提金 治一切雜證大有奇功便於出軍

甘草 川芎 天麻 芍藥 薄荷 荊芥 人

參 乳香 沒藥 白芷 青黛 滑石 桔梗

甘松 藜蘆 鬱金 甘菊 藁本 茯苓 細

辛 防風 元胡索 猪牙細皂莢

右等分為細末每服一字吹鼻中喘蒸時須令患人

口澹水不致藥入喉嚨

寒水石散 治脚氣毒遍內外煩熱不解口中生瘡狂走毒厲及解中諸熱藥毒邪熱卒黃等解蠱毒鬼魅野道熱毒又治小兒驚癇熱病

寒水石 石膏 磁石 滑石

已上四味各三斤搗為細末用水一

石煮至四升四斗去滓入後藥元參一斤洗焙剉羚羊角五升麻五斗

香一兩木香兩甘草半兩八兩已上六味搗為末入藥汁中再煮取一斗五升去滓入下

頂二朴硝二斤硝石好者二斤已上一味入前藥汁中微火煎不住手將抑木

篋攪候有七八升許投在木盆中半日久欲凝候却入下二味硃砂二兩射香當

門子

一兩二錢重乳細已上二味入前藥汁中拌勻調令全

右為末同研令勻每服一錢或二錢冷水調下大人小兒仔細加減食後服

仙人練絳雪 治一切病肺氣積聚咳逆嘔吐膿血丹

石毒發天行時氣熱病諸黃疸等心風昏亂心怯健忘四肢煩熱頭痛眼赤大小便不通煩悶不安骨節疼痛赤白痢血熱毒痢宿食不消化心腹脹滿出氣

不得下并諸毒藥脚氣等飲酒多醉困久痢不差小  
兒驚癇等和水服之產後一切諸病墮胎和酒服之

朴硝

斤十升

麻三兩

大青

桑白皮

槐花

各二兩

犀角

屑羚羊角

屑各一兩

蘓方木

六兩

竹葉

握兩

訶梨勒

山梔

子

三十枚

檳榔仁

二十顆

硃砂

半兩

研

右以水二斗漬一宿煎取一斗去滓入鍋內朴硝鍊  
烱攪勿住手候欲凝出於盆中攪入硃砂并射香少  
許訖雪成收於珀器中密封有疾量取和水服之神



效老少量之

効方 療疸時疫諸毒氣毒惡核金瘡等百病

當歸

天雄

烏頭

各三兩

細辛

芎藭

硃砂

各二兩

兩乾姜

附子

雄黃

桂心

白芷

松脂

各八兩

兩生地黃

二斤搗絞取汁

右別搗雄黃硃砂為末餘咬咀以釀苦酒二升五合  
地黃清藥一宿取豬脂八斤微火煎十五沸白芷黃  
為度絞去滓入雄黃硃砂末攪令稠和蜜器貯之腹

內病皆對火摩病上日兩三度從十日乃至二十日  
取病出差四肢肥肉風痺亦可溫酒服杏仁大一枚  
太傅白膏 治百病傷寒咽喉不利頭項強痛腰脊并  
兩脚疼有風痺濕腫難以屈伸不能行步若風頭眩  
鼻塞有附息肉生瘡身體癢疹風搔鼠漏瘰癧諸疽  
惡瘡牛領馬鞍腫瘡及久塞堅結在心腹痛胸痺煩  
滿不得眠飲食咳逆上氣往來寒熱婦人產後餘疾  
耳目鼻口諸疾悉主之亦曰太乙神膏

蜀椒升一升麻三兩附子 巴豆 芎藭 杏仁五合狸

骨

細辛

各一兩

白芷

半兩

甘草

二兩

白朮

六兩

當歸

三兩

右咬咀苦酒淹漬一宿以猪肉四斤微火煎之削附子一枚以繩繫着膏中候色黃膏成去滓傷寒心腹積聚諸風腫疾頸項腰脊強偏枯不仁皆摩之日一癰腫惡瘡鼠癭瘰癧炙手摩之耳聾如大豆灌之目痛淚出縹白翳如珠當瞳子視無所見取如糝米傳白上令其人自以手掩之須臾即愈以水洗視如平

復旦勿當風三十日後乃可行鼻中痛取如大豆許  
內鼻中并以摩之齟齒痛如線裹如大豆着痛齒上  
咋之中風面目鼻口喎僻以摩之若晨夜行辟霜霧  
眉睫落數數以鐵漿水用膏摩之

粉霜丸 此藥秘傳仙方凡治一切病證

丁香 木香 粉霜 五靈脂 硃砂  
各二錢 硃砂

乳香 麝香 信  
濕紙裹煨候煙盡已上各一錢 肉豆蔻 已

豆  
去殼濕紙裹煨香各二兩

右為細末醋糊為丸如黍米大每服二九隨湯引下  
若心脾疼石菖蒲湯下氣刺撮痛陳皮湯下腹脹滿  
悶蘿蔔湯下咳逆滿悶柿蒂湯下小腸氣疼水冷鹽  
湯下隔氣翻胃丁香湯下小兒羸瘦藿香湯下脾寒  
瘧疾草菓湯下顛邪失志柳桃湯下小便頻併茴香  
湯下十種水腫氣猪苓湯下血痢槐花甘草湯下五  
般淋瀝燈心湯下盜汗出龍膽草湯下酒積肚腹痛  
溫酒下赤白痢煎陳皮湯下中暑熱者沙糖水下水

瀉不調生薑湯下山嵐瘴氣不伏水土溫酒下婦人赤白帶下艾酢湯下

阿魏藥煎 治百病

阿魏

分四

豆蔻仁

七顆  
細研

生姜

分十二

人參

甘草

各  
八分

藕汁

地黃汁

各二升

訶黎勒

七枚  
去核

牛膝

半升

白蜜

一升

鰾甲

分十二  
炙

右為末地黃等汁煎吹下藥微火煎攪勿住候如錫於不津器盛每服取一匙酒和服之

萬病無憂散

治風疾瘡腫疥癬或臟腑積冷壅滯氣

結風勞膀胱宿冷臟腑虛衰面色痿黃內有癥癖氣  
并常有疳蟲虻虫攻心腹俱痛中傷寒頭痛難忍狀  
若山嵐時氣瘟疫之疾並宜急服此藥宣通三五行  
立瘥或中風口喎語多蹇澁睡後口中涎出不限時  
節不問男子婦人但五日一服不過三服永瘥久患  
腰膝疼痛腳氣腫滿運動艱難飲食無味并小兒疳  
痢脫肛者量大人與服一二五行自差大人久泄氣

利狀若休息痢止有時但一服取下冷膿血一二升  
當日見效藥無四時冷熱老幼弱衰病患悉皆除之  
任服他藥無效此蓋緣搜出臟腑中積滯虫膿故也  
無孕婦人久患血虛氣弱痿黃無力者亦可依方服  
宣通氣血自不困倦此藥凡有百病並治之其功不  
可具載婦人或孕陰晦時節不可服天道清明可進  
若雖復疾而未愈者再服妙

黃芪

木通

桑白皮

陳皮

各一兩

胡椒

白朮



半  
兩木香

半  
兩白牽牛

炒四兩別  
取頭末

右七味為細末每服二錢牽牛末二錢生姜二錢切片煎薑湯一大盞調藥須臾又用生薑湯或溫湯送下平明可行快利三五次無妨如病息後以白粥補之痊矣一方用黑牽牛微炒為末另作一處臨時量虛實加減依前藥服如氣體稍強多着牽牛末着七味藥弱者反此經驗方云利路耿運管望之二年前得肺疾甚異晝則右鼻濁涕終日夜則清涕如水不

止良以為苦醫者只用治肺藥以辛荑為主幾年雖少損終不盡去後年餘客親戚王發運家又苦腫唇高於鼻飲食不容進齒亦盡腫家有一藥用些黑牽牛晚服畢瀉一兩行其腫即退初甚疑之恐牽牛之為害也腫既甚不得已進一服連瀉兩行不移時腫盡消所苦涕即止一藥而攻二病異哉

妙香丸 治一切久遠沉積傷寒結胸太陽厥證燥鬱攻不開者皆可服亦曰太聖丸

巴豆

去皮不  
去油

膩粉

硃砂

硃砂

水銀

各一錢  
錫結砂

子龍腦

麝香

牛黃

各少  
許

右為末煉蜜和丸如皂子大藥時急要動一九分作  
二丸搏作小豆子大投煎大黃湯下復然茶一椀熱  
便利一方用蠟丸無硃砂加金

枸杞酒 治五內邪氣消渴風濕下腦脇氣頭痛堅筋  
骨強陰利大小便填骨髓長肌肉破除結氣五勞七  
傷去胃中宿食利耳目中衄血吐血風痊補中逐水

破積瘀膿血石淋長髮傷食寒瘴癘毒氣煩燥滿悶  
虛勞喘吸逐熱破血脚氣腫痺悉主之

糯米

一石黍藊計常酸酒米一石用麴一斗此藥米亦得麥加五升彌加米用之惟上好者

枸杞根

二十赤皮寸半剉之以水一石漬經宿刮皮三日煮取汁五斗生地黄十二

斤洗去土細切和米炊之秋麻子

三斗熬蒸成細粉蒸氣出以枸杞湯淋取汁二斗香

豉

二斗以枸杞湯煮取汁

右四味和米蒸之三物藥汁總合得五斗地黃濕即  
四斗分半拌漬米分半及麴和釀飯如人煩即總和

一處蜜蓋甕口經二七日壓取泥封復經七月初一度一釀用麻子二斗恐令人頭痛服酒忌生冷酢滑雞魚麵蒜油膩白酒房室等服訖一二七日將息病盡久服即少忌之

奪命散 治男子婦人心中積熱停痰腸垢諸毒變成百病酒麵食積痰癖氣塊小腸疝諸般膈氣反胃吐食胸膈痞悶脇肋疼痛嘔吐痰逆頭目昏重偏正頭風或驚怖口苦舌乾噎氣醋心腹脹如鼓大便不通

小兒赤澁飲食過多不生肌肉心中煩燥面色痿黃  
肌體羸瘦困倦少力夜多盜汗脾胃不和瀉痢膿血  
久而成血癖血瘕並皆治之每服三錢用好無灰酒  
一大盞少飲晚食臨卧服之卧仰睡一二更待藥微  
微利三兩行臟腑此藥不損真氣如婦人室女血脉  
不行加木香沉香枳殼煎當歸湯調服小腸氣用乾  
漆麥蘖木通炒茴香却去了木通乾漆二味量病虛  
實用

綿文大黃

四兩去皮炒存性

麥蘖

一兩半炒

檳榔

七錢半

茴香

瞿麥

地匭蓄

各二錢半

右為細末每服虛實加減錢數隨證湯次

僊人玉壺丸

出千金方

雄黃

藜蘆

丹砂

礞石

巴豆

已上各二兩

八角

附子

等分

右先搗巴豆三千杵次內礞石又搗三千杵次內藜蘆三千杵次內附子三千杵次用雄黃三千杵次

內丹砂三千杵密封又搗萬杵佳若不用丹砂者內  
真珠四兩每內藥輒治五百杵內少蜜恐藥飛揚治  
藥用王相吉日良時童子齋戒為良天晴明日無雲  
霧白晝藥成封蜜器中勿泄氣著清潔處大人服九  
如小豆欲下病者宿勿食平旦服二九不知者以暖  
粥飲發之令下下不止飲冷水以止之病在膈上吐  
膈下利或但噫氣即已若欲漸除及將服消病者服  
如麻豆大二九卒中惡欲死不知人以酒若物湯和



二九日再男女與鬼交通歌笑或哭無常或腹大絕  
經狀如妊娠漿水服二九如胡豆大日三夜一又若  
酒和令如粘每旦傳手間使心主心主在手腕後第  
一約橫紋中指至暮又傳足三陰三陽及鼻孔七愈  
又將服麻子大一九日三服止惡風逆心不得氣息  
服一九腹中如有虫欲鑽脇出狀急痛一止一作是  
惡風服二九憂恚氣結在胸心苦連噫及咳胸中刺  
痛服如麻子大三九日三腹痛脹滿不食服一九心

腹切痛及心中熱服一九如麻子大日三服五日瘥  
風疝寒疝心疝弦每發腹中急痛服二九卒上氣氣  
但出不入并逆氣衝喉胃中暴積聚者服二九日再  
澼隱痰平旦服一九腹中三虫宿勿食明旦炙牛羊  
肉三噲食須臾進三九如胡豆大日中當下過日中  
不下更二九爛虫必下卒闔格不得大小便欲死服  
二九卒霍亂心腹痛腹滿吐下手足逆冷服二九傷  
寒欲嗽瀉時氣熱病溫酒服一九厚覆取汗不汗更

服寒熱往來服一九瘡未發一九已發二九便斷積  
寒熱老瘡服二九日三癥結堅痞一九日三取愈下  
利重下者一九取斷食肉不消腹堅脹一九立愈若  
淋瀝瘦瘠百節酸疼服一九日三頭卒風腫苦酒若  
膏和傅之線裹癰疽瘰癧瘰癧及欲作癰以苦酒和  
傅之若瘡不可名癰疥疽以膏若苦酒和先以鹽湯  
洗瘡去痂拭乾傅之齒痛綿裹塞孔中鼠瘻以猪脂  
和傅瘡起駁舌狗子舐之中水毒服二九若已有瘡

苦酒和三九傳之耳聾膿血汁出及卒聾以赤谷皮  
裹二九內之風目赤或痒視物膜膜淚出爛皆蜜解  
如粘塗注目佳若為蠱毒所中吐血腹內如刺服一  
九如麻子稍加如胡豆大亦以塗鼻孔中又以膏和  
通腹背上亦可燒之燻口及鼻若為蛇蝮諸毒所中  
及獠犬狂馬所咋苦酒和傳又水服二九婦人產後  
餘疾及月不通往來不時服二九日再婦人胸中苦  
滯氣氣息不利小腹堅急繞臍絞痛漿服如麻子一

九稍加之如小豆大小兒百病驚癇痞塞及有熱百  
日半歲者以一九如黍米大置乳頭飲之一歲以上  
如麻子一九和服右件細末大鉢中衮件兩日極令  
勻合糯米粉二兩添水煮胡阿膠膏和藥杵二千餘  
杵九如鷄頭大焙令一分乾堯餅收置暖處但此方  
修合雖好然亦遲滯不若修剉生料衆藥同片生薑  
半斤或七兩甘草三兩於堯餅內用水一斗五升上  
下文武火煮水乾為度仍除乾松白茅檀香縮砂仁

藿香葉勿煮令項焙搗為末庶香氣全所有煮者眾藥亦作一處焙搗為末末就了却令研腦麝同香松茅數件大鉢內衮三二日令藥味和合方作為丸煮藥下水之作訣以水高眾藥一寸餘許文武火煮若火土藥無味却酌量伺候風為萬病之根源蓋五臟所受不同而引起疾證有異善衛生者日三飲送下小兒大腹及中惡熱毒食物不化結成積聚服二九小兒寒熱頭痛身熱及吐衄服一九如麻子大小兒

羸瘦丁美不能食食不化漿水服二九日三又苦酒  
如和桐子大傳上良一切萬病量之不過一二九莫  
不立愈欲行問孝者病服一九又一九繫頸上行無  
所畏至喪家帶一九辟百鬼若獨自宿山澤塚墓社  
廟叢林之中燒一九百鬼不敢近仍以蠟和一九如  
彈子大着絳囊中繫臂上男左女右山精鬼魅皆畏  
之

硃砂鶴頂丹 治諸疾

半夏

裂火炮

杏仁

去皮尖

山豆

去皮油各四十九

宿蒸餅

四兩去皮


乾胭脂

二錢為末

右同搗為泥滴酢為丸小豆大每服十九加至十五  
丸此藥治二十一等病證心腹膨脹陳皮湯或米湯  
下傷寒陳皮湯下白痢乾姜湯下赤痢甘草湯下血  
痢當歸湯下大小便不通磨刀水下心氣疼菖蒲根  
湯下心疼痛醋湯下冷病艾湯下勞氣米湯下小腸  
氣茴香湯下腎臟風木瓜湯下腸風痔漏瀉痢槐花



湯下吐血丁香湯下陰毒傷寒葱白湯下瘡疾桃心  
湯下噎食木香湯下小兒疳痺皂莢子湯下小兒驚  
風薄荷湯下小兒五疳八痢米湯下五嗽人參馬兜  
苓湯下一名鶴頂丹有硃砂三錢為衣湯酒食物隨  
下臍腹疼痛鹽湯下腰疼脚氣牽牛湯下水瀉車前  
子湯下婦人月水不調紅花芍藥湯下



普濟方卷二百五十五